

PWYLLGOR ARCHWILIO PARTNERIAETHAU

Cofnodion cyfarfod o'r Pwyllgor Archwilio Partneriaethau a gynhaliwyd yn Ystafell Bwyllgor 1a, Neuadd y Sir, Rhuthun, Dydd Iau, 31 Mai 2012 am 9.30 am.

YN BRESENNOL

Y Cynghorwyr Brian Blakeley, Ann Davies, Meirick Davies, Alice Jones, Pat Jones, Gwyneth Kensler, Margaret McCarroll, Dewi Owens a/ac Merfyn Parry.
Mynychodd y Cynghorwyr J.R. Bartley a W.L. Cowie fel arsylwyr.

HEFYD YN BRESENNOL

Y Cyfarwyddwr Corfforaethol: Modernieiddio a Lles (SE), Pennaeth Gwasanaethau Oedolion a Busnes (PG), Pennaeth Cynllunio Busnes a Pherfformiad (AS), Rheolwr Gwasanaeth: Ansawdd a Datblygu Systemau (CM), Cydlynnydd Archwilio (RE) a'r Swyddog Gweinyddol (CW).

Diolchodd y Cadeirydd i'r Cynghorydd D. Owens am ei waith yn cadeirio'r Pwyllgor Archwilio Partneriaethau yn ystod y flwyddyn diwethaf.

1 YMDDIHEURIADAU

Derbyniwyd ymddiheuriadau am absenoldeb oddi wrth y Cynghorwr(wyr)
Bill Tasker

2 PENODI IS-GADEIRYDD

Yn unol â Chyfansoddiad y Cyngor, gofynnwyd am CVs/datganiadau gan y rhai â diddordeb yn swydd Is-gadeirydd y Pwyllgor. Cafwyd un CV felly cyn y cyfarfod ac fe'i cylchredwyd i'r holl aelodau.

Cafodd y Cynghorydd E A Jones ei enwebu a'i eilio ar gyfer swydd Is-gadeirydd y Pwyllgor. Ni chafwyd dim enwebiadau eraill ac yn y Pwyllgor:

PENDERFYNWYD – *penodi'r Cynghorydd E.A. Jones yn Is-gadeirydd ar gyfer y flwyddyn ganlynol.*

3 DATGAN BUDDIANT

Ni ddatganodd ddim Aelodau unrhyw fuddiant personol na buddiant sy'n rhagfarnu mewn unrhyw fusnes a nodwyd i'w ystyried yn y cyfarfod.

4 MATERION BRYN FEL Y CYTUNWYD ARNYNT GAN Y CADEIRYDD

Ni chodwyd dim eitemau y dylid, ym marn y Cadeirydd, eu hystyried ar frys yn y cyfarfod yn unol ag Adran 100B(4) o Ddeddf Llywodraeth Leol 1972.

5 COFNODION Y CYFARFOD DIWETHAF

Cyflwynwyd Cofnodion cyfarfod y Pwyllgor Craffu Partneriaethau a gynhaliwyd ddydd Iau, 19 Ebrill, 2012.

Materion a gododd:-

4. Cofnodion y cyfarfod diwethaf, Tudalen 1, y Cynllun Mawr – Mewn ymateb i gwestiwn gan y Cynghorydd D. Owens, cytunodd y Cydlynnydd Craffu i gylchredeg i Aelodau'r Pwyllgor yr ymateb a gafwyd gan y Gweinidog dros lechyd a Gwasanaethau Cymdeithasol o ran darparu brechiadau HPV i fechgyn.

Tudalen 2, Twristiaeth – Mewn ymateb i gwestiwn gan y Cynghorydd D. Owens, cadarnhaodd y Cydlynnydd Craffu fod y Gwasanaethau Twristiaeth a Hamdden wedi cael cais i ddarparu i bob cynghorydd fanylion y cynnydd o ran mentrau a gynlluniwyd i annog siopwyr canolfan Tweedmill i ymweld â rhannau eraill o'r Sir. Dywedodd y Cynghorydd W.L. Cowie wrth y Pwyllgor fod llyfryn wedi'i gynhyrchu gan ganolfan Tweedmill a oedd yn cyfeirio at Lanelwy, ac yn arbennig at yr Eglwys Gadeiriol.

Tudalen 2, Cwestiynau Aelodau – Dywedodd y Cynghorydd J.R. Bartley wrth yr Aelodau ei fod wedi gofyn i'r Cyfarwyddwr Cynorthwyol Gofal Sylfaenol am ystadegau a manylion archwiliadau iechyd blynyddol i bobl ag anabledau dysgu. Cytunodd y Cyfarwyddwr Corfforaethol: Moderneiddio a Lles y byddai'n ceisio cael yr wybodaeth, ac awgrymodd cynnwys y mater hwn ar yr agenda i'r Pwyllgor Craffu nesaf lle bydd cynrychiolwyr Prifysgol Betsi Cadwaladr yn bresennol.

PENDERFYNWYD – yn amodol ar yr uchod, derbyn y Cofnodion a chymeradwyo eu bod yn gofnod cywir.

6 GWASANAETHAU CYMDEITHASOL CYNALIADWY: FFRAMWAITH GWEITHREDU A MESUR GWASANAETHAU CYMDEITHASOL (CYMRU)

Cylchredwyd gyda'r papurau ar gyfer y cyfarfod gopi o adroddiad gan y Cyfarwyddwr Corfforaethol: Moderneiddio a Lles, a oedd yn disgrifio newid deddfwriaethol a pholisi pwysig a gynigiwyd gan Lywodraeth Cymru ac effaith y newid hwn ar ddarparu gwasanaethau cymdeithasol hyd y gellir ei ragweld.

Cyflwynodd y Cyfarwyddwr Corfforaethol: Moderneiddio a Lles yr adroddiad a oedd yn amlinellu'r newidiadau arfaethedig a nodwyd yn "Gwasanaethau Cymdeithasol Cynaliadwy: Fframwaith Gweithredu" (SSSFFA) a Mesur Gwasanaethau Cymdeithasol (Cymru). Roedd yr adroddiad yn gofyn am arweiniad yr Aelodau ar y ffordd y gallai Sir Ddinbych ddymuno mynegi ei barn am yr adroddiad ymgynghori

ar y Mesur, ac am y Bwrdd Moderneiddio Gwasanaethau Cymdeithasol arfaethedig a oedd am gael ei sefydlu i fynd ymlaen â datblygiadau allweddol yn Sir Ddinbych. Eglurwyd y byddai darparu drwy bartneriaeth yn nodwedd graidd ar y cynigion.

Yn Atodiad 1, crynhowyd cynnwys dogfen bolisi bwysig Llywodraeth Cymru, "Gwasanaethau Cymdeithasol Cynaliadwy: Fframwaith Gweithredu" a'r cynigion ym Mesur Gwasanaethau Cymdeithasol (Cymru). Gyda'i gilydd, roeddent yn nodi agenda radical i drawsnewid Gwasanaethau Cymdeithasol yng Nghymru. Darparu'r agenda oedd wrth wraidd Contract 2 yn y Compact ar gyfer Newid. Roedd dogfen ymgynghori ar Fesur Gwasanaethau Cymdeithasol (Cymru) wedi'i chyhoeddi gyda dyddiad cau o 1 Mehefin, 2012. Wrth ystyried yr adroddiad hwn yn y cyfarfod cyfredol, cafodd yr aelodau gyfle i gyfrannu at ymateb Llywodraeth Leol i'r ymgynghoriad. Mae briff Cymdeithas Llywodraeth Leol Cymru ar y cynigion wedi'i ryddhau fel Dogfen Gefndir.

Roedd llawer o'r cynigion yn "Gwasanaethau Cymdeithasol Cynaliadwy: Fframwaith Gweithredu" a'r Mesur yn tybio y byddai cynghorau'n darparu gwasanaethau mewn partneriaeth drwy gydweithio'n agos â gwasanaethau eraill yn y Cyngor, y GIG, Cynghorau eraill neu'r sectorau cymunedol, gwirfoddol ac annibynnol. Roedd Atodiad 2 yn nodi strwythurau cyfredol ar gyfer gweithio'n rhanbarthol, yn isranbarthol ac yn rhyngasiantaethol.

Byddai rhai materion yn gofyn am ffocws Sir Ddinbych arbennig pe byddai angen symbyliad arbennig neu pe byddai cyfleoedd arbennig. Cynigiwyd sefydlu Bwrdd Moderneiddio Gwasanaethau Cymdeithasol Sir Ddinbych, ar draws y Gwasanaethau Plant, Oedolion a Busnes, i oruchwylio'r gwaith hwn. Byddai meysydd gwaith sylweddol yn gyffredin â'r rheini i foderneiddio'r Cyngor yn gyffredinol a dangoswyd hyn yn y Siart a oedd yn Atodiad 2 i'r adroddiad.

Bu'r Cyfarwyddwr Corfforaethol: Moderneiddio a Lles (CDM&W) yn darparu cyflwyniad manwl o Atodiad 1, Moderneiddio Gwasanaethau Cymdeithasol – Y Pecyn, ac roedd y prif bwyntiau'n cynnwys:-

- Heriau
- Egwyddorion Newid y Gêm
- Gwahaniaethau
- Mesur Gwasanaethau Cymdeithasol (Cymru)
- Cynnal a Gwella Lles Pobl mewn Angen
- Goblygiadau
- Llais Cryfach a Gwir Reolaeth
- Cyfeiriad Cenedlaethol Cryf ac Atebolrwydd Lleol
- Diogelu ac Amddiffyn
- Rheoleiddio ac Arolygu
- Bwrdd Moderneiddio Gwasanaethau Cymdeithasol Sir Ddinbych

Codwyd y pethau canlynol gan y Cynghorydd J.A. Davies a rhoddwyd ymatebion gan y Cyfarwyddwr Corfforaethol: Moderneiddio a Lles:-

Tudalennau 18 ac 21 – Symrlwydd cael manylion cymorth, a chael at wybodaeth. Cadarnhawyd y byddai angen monitro'r broses o ledaenu gwybodaeth drwy sianeli amrywiol fel y wefan, taflenni a phosteri.

Tudalen 25 – Cadarnhaodd y Cyfarwyddwr Corfforaethol: Moderneiddio a Lles nad oedd unrhyw adnoddau ychwanegol wedi'u darparu o ran gweithredu'r asesiadau "Pobl mewn Angen" lleol.

Tudalen 27 - Eglurwyd bod y tâl mwyaf o £50.00 yr wythnos wedi'i gyflwyno o dan bolisi codi tâl Llywodraeth Cymru o ran gofal cymdeithasol yn y gymuned. Mewn ymateb i gwestiwn gan y Cynghorydd M. McCarroll, bu'r Pennaeth Gwasanaethau Busnes ac Oedolion (HABS) yn amlinellu'r meini prawf a'r weithdrefn a fabwysiadir i asesu'r angen i ddarparu sesiynau ychwanegol.

Tudalen 31 - Hawliau Gofalwyr. Cadarnhaodd y swyddogion mor bwysig oedd darparu help a chymorth i ofalwyr, gan gyfeirio'n arbennig at gyflwyno Mesur newydd Strategaethau ar gyfer Gofalwyr (Cymru) 2010.

Mewn ymateb i gwestiynau gan Aelodau, bu'r Cyfarwyddwr Corfforaethol: Moderneiddio a Lles yn amlinellu'r newid sylweddol mewn asesu'r Iaith Gymraeg fel angen gofal ac amlygodd mor bwysig yw bodloni anghenion defnyddwyr gwasanaeth, gan gyfeirio'n arbennig at ddarparwyr y sector annibynnol. Cadarnhaodd y byddai gweithdrefnau'n cael eu cyflwyno i fonitro effeithiolrwydd y gwasanaeth a chyfeiriwyd at rôl y Tîm Rheoli Contract o ran monitro darparu gwasanaeth.

Cadarnhaodd y Cyfarwyddwr Corfforaethol: Moderneiddio a Lles y pryderon a fynegwyd gan y Cynghorydd D. Owens, ynghylch yr angen i ddarparu cyllid ychwanegol gan Lywodraeth Cymru i fodloni gofynion y newidiadau pwysig a sylweddol sy'n cael eu cyflwyno mewn darparu gwasanaethau.

Mewn ymateb i gwestiynau gan y Cynghorydd G.M. Kensler, bu'r Pennaeth Gwasanaethau Busnes ac Oedolion yn amlinellu'r gwaith a wnaethpwyd gan Wasanaeth Gwybodaeth Gofalwyr Gogledd-ddwyrain Cymru (NEWCIS); yn amlinellu cyflenwi ac adfer cyfarpar i ddefnyddwyr gwasanaeth gan y Gwasanaeth Iechyd a'r Gwasanaethau Gofal Cymdeithasol, ac yn disgrifio'r gwasanaeth a ddarperir gan y Gwasanaeth Gwybodaeth i Deuluoedd.

Mewn ymateb i gwestiwn gan y Cynghorydd E.A. Jones am flaengynllunio yn y gwasanaeth o ran newidiadau mewn cymdeithas, amlinellodd y Cyfarwyddwr Corfforaethol: Moderneiddio a Lles y gwaith a wnaethpwyd o ran newid demograffig, yr angen i ymyrryd yn gynnar a phwysigrwydd trawsnewid darpariaeth gwasanaethau er mwyn addasu i anghenion y cyhoedd.

Ymatebodd y Cyfarwyddwr Corfforaethol: Moderneiddio a Lles i gwestiwn gan y Cadeirydd ynghylch argymhelliad 3.2 o'r adroddiad ac eglurodd y byddai aelodau Bwrdd Moderneiddio Gwasanaethau Cymdeithasol Sir Ddinbych yn cynnwys Aelod Arwain oherwydd byddai ganddo bwerau gweithredol. Pwysleisiwyd hefyd y byddai'n bwysig rhoi gwybod o hyd i'r pwyllgor craffu am gynigion a phenderfyniadau'r Bwrdd.

Ymatebodd y Cyfarwyddwr Corfforaethol: Moderneiddio a Lles i gwestiwn gan y Cynghorydd M. McCarroll am fodlau menter gymdeithasol. Cadarnhaodd ei fod

newydd ddechrau ar y pryd a chyfeiriodd at Ofal Iechyd Cefndy; er nad oedd yn fenter gymdeithasol, roedd ganddo nifer o nodweddion menter gymdeithasol.

Cyfeiriodd y Cynghorydd J.R. Bartley at bryderon a leisiwyd am asesu ac am ddiagnosis cynnar gyda'r bwriad o ddarparu ymyrraeth gynnar. Eglurodd y byddai teulu'r defnyddwyr gwasanaeth yn gyfrifol ar hyn o bryd am ddod o hyd i leoliad i'r defnyddiwr gwasanaeth ar ôl ei asesiad 8 wythnos. Cyfeiriodd y Pennaeth Gwasanaethau Busnes ac Oedolion at y dull ail-alluogi a rôl a defnydd y cyfleusterau canolfan ddydd i gynorthwyo gydag ailsefydlu ac ail-alluogi. Bu swyddogion yn sicrhau Aelodau o'r Pwyllgor y byddai cymorth parhaus yn cael ei ddarparu ac y byddai'r mater yn cael ei fonitro'n agos.

Ar ôl trafodaeth fer:-

PENDERFYNWYD – *bod y Pwyllgor Craffu Partneriaethau:-*

(a) yn derbyn yr adroddiad a bod sylwadau'r aelodau am y darpariaethau arfaethedig ym Mesur Gwasanaethau Cymdeithasol (Cymru) yn cael eu cynnwys yn ymateb y Cyngor i'r ymgynghoriad ar y Mesur, ac

(b) yn cefnogi'r cynnig i sefydlu Bwrdd Moderneiddio Gwasanaethau Cymdeithasol Sir Ddinbych at ddiben mynd ymlaen â datblygiadau allweddol yn Sir Ddinbych.

Yn y man hwn yn y cyfarfod, canodd y larwm tân a gohiriwyd y cyfarfod.

Ar ddechrau'r cyfarfod, roedd yr Aelodau canlynol yn bresennol:-

Y Cynghorwyr B. Blakeley, E.A. Jones, P.M. Jones, M. McCarroll a T.M. Parry.

7 ADRODDIAD BLYNYDDOL Y CYNGOR: GWASANAETHAU CYMDEITHASOL 2011/2012

Roedd copi o adroddiad gan y Cyfarwyddwr Corfforaethol: Moderneiddio a Lles, a oedd yn cynnwys hunanasesiad o ofal cymdeithasol yn Sir Ddinbych a blaenoriaethau gwella ar gyfer 2012/2013, wedi'i gylchredeg gyda'r papurau i'r cyfarfod.

Oherwydd prinder amser i gynnal gweddill y cyfarfod, cytunodd y Pwyllgor i gyflwyno unrhyw gwestiynau neu sylwadau am Adroddiad Blynyddol y Cyfarwyddwyr ar gyfer 2011/2012, Atodiad 1, i'r Cyfarwyddwr Corfforaethol: Moderneiddio a Lles. Rhoddwyd gwybod i'r Aelodau y byddai Adroddiad Blynyddol y Cyfarwyddwyr ar gyfer 2011/2012 yn cael ei gyflwyno i'r Cyngor Sir ym mis Gorffennaf 2012 i'w ystyried a'i gymeradwyo.

PENDERFYNWYD - *cyflwyno cwestiynau a sylwadau'r Aelodau o ran Adroddiad Blynyddol y Cyfarwyddwyr ar gyfer 2011/2012, Atodiad 1, i'r Cyfarwyddwr Corfforaethol: Moderneiddio a Lles.*

NEWIDIADAU RHANBARTHOL A CHENEDLAETHOL YN RHAGLEN CEFNOGI POBL

Roedd copi o adroddiad gan y Rheolwr Cefnogi Pobl, a oedd yn disgrifio'r newidiadau arfaethedig yn y Rhaglen Cefnogi Pobl yng Nghymru, ac yn rhoi'r wybodaeth ddiweddaraf am y trefniadau dros dro diwygiedig a gynigiwyd gan Lywodraeth Cymru i sefydlu Pwyllgor Cydweithio Rhanbarthol (PCRh) ar gyfer Gwasanaethau Cefnogi Pobl (CP), Atodiad 1, wedi'i gylchredeg gyda'r papurau i'r cyfarfod. Roedd yr adroddiad hefyd yn gofyn am farn yr Aelodau i lywio ymateb Sir Ddinbych i'r ymgynghoriad.

Eglurodd y Cyfarwyddwr Corfforaethol: Moderneiddio a Lles fod Cefnogi Pobl yn rhaglen sylweddol yn darparu gwasanaethau cymorth "cysylltiedig â thai" i ystod eang o grwpiau o bobl sy'n agored i niwed. Roedd y Rhaglen wedi'i gwerthuso ar lefel genedlaethol a dangoswyd ei bod yn cynnig buddion ariannol cadarnhaol iawn yn ogystal â buddion heblaw rhai ariannol a amlinellwyd yn yr adroddiad.

Roedd adolygiad annibynnol o raglen Cefnogi Pobl wedi'i gomisiynu gan Lywodraeth Cymru (LIC) a derbyniwyd y 25 argymhelliad allweddol a gyflwynwyd. O ganlyniad, sefydlodd LIC Grŵp Llywio traws-sector a nifer o ffrydiau gwaith cenedlaethol i fynd ymlaen â'r gwaith o weithredu'r argymhellion.

Roedd y Gweinidog dros Dai, Adfywio a Threftadaeth wedi penderfynu y dylid sefydlu Pwyllgorau Cydweithio Rhanbarthol (PCRhau) o ddechrau'r trefniadau newydd ac roedd y gofyniad hwn wedi'i ymgorffori wedyn yn y Compact ar gyfer Newid. Codwyd pryderon gan gynrychiolwyr awdurdodau lleol a Chymdeithas Llywodraeth Leol Cymru (WLGA) ynglŷn â'r rôl a gynigiwyd i'r PCRhau, y trefniadau llywodraethu a'r posibilrwydd y byddai biwrocratiaeth yn cynyddu.

Roedd manylion y sefyllfa gyfredol wedi'u cynnwys yn yr adroddiad. Roedd y model dros dro arfaethedig newydd yn darparu cyfrifoldeb PCRh o dan bedwar maes eang a fyddai'n cynnwys goruchwylio; cynghori Gweinidogion; cynllunio a gweinyddu. Y gwahaniaeth sylweddol ac arwyddocaol oedd y byddai'r PCRh yn gwneud argymhellion ar wariant lleol a rhanbarthol i'r Gweinidog a fyddai wedyn yn gwneud y penderfyniad adnodd.

Roedd y model yn cynnig y byddai'r Gweinidog yn cael ei gynnwys mewn penderfyniadau o ran gwariant lleol a rhanbarthol ar Wasanaethau Cefnogi Pobl, a hawl trosglwyddo arian Grant Rhaglen Cefnogi Pobl (SPPG) rhwng grwpiau defnyddwyr gwasanaeth yn y cynllun CP lleol a rhanbarthol yn y rhanbarth. Roedd y model yn codi pryderon am ei fod fel petai'n mynd yn groes i'r egwyddorion y cytunwyd arnynt ar ôl "Adolygiad Essex". Roedd y cynnig hefyd fel petai'n mynd yn groes i ganfyddiadau'r Adolygiad am drefniadau cyfredol cefnogi pobl a bwysleisiai fod angen lleihau cymhlethdod a biwrocratiaeth ac osgoi'r oedi sy'n cael ei greu gan Weinidogion yn gwneud penderfyniadau am wasanaethau lleol.

Roedd LIC wedi penderfynu na fyddai Grant Refeniw Cefnogi Pobl (SPRG) yn cael ei drosglwyddo nes bod y PCRhau wedi'u sefydlu'n iawn, efallai ym mis Awst 2012, a deallwyd bod awgrymiadau i oedi ymhellach tan fis Ebrill 2013 wedi'u gwrthod.

Pwysleisiodd y Cyfarwyddwr Corfforaethol y byddai'n bwysig darparu gwasanaethau da i bobl sy'n agored i niwed a rheoli gostyngiad mewn adnoddau mewn modd mor effeithiol â phosibl, gan gynnwys drwy gydweithio. Teimlwyd mai'r ffordd orau o gyflawni hyn fyddai proses rheoli newid wedi'i hystyried yn ofalus.

Mewn ymateb i gwestiwn gan y Cynghorydd G.M. Kensler, cadarnhawyd y gellid gwneud sylwadau gan Aelodau i Gynulliad Cymru am y mater hwn. Cytunodd y Cyfarwyddwr Corfforaethol y gallai copi o lythyr a anfonwyd gan Brif Weithredwyr Gogledd Cymru at y Gweinidog AC dros Dai, Adfywio a Threftadaeth, yn nodi materion a phryderon Awdurdodau Lleol, gael ei gylchredeg i Aelodau'r Pwyllgor.

Mewn ymateb i bryderon a godwyd gan Aelodau mewn perthynas â chostau darparu gwasanaethau i bobl sydd bellach yn byw yn Sir Ddinbych a oedd yn dod o'r tu allan i'r Sir, eglurodd y Cyfarwyddwr Corfforaethol ei bod wedi cysylltu â'r Pennaeth Gwasanaethau Tai am y mater cysylltiedig â symud dros y ffin. Ym mwyafrif yr achosion, byddai costau cartrefu pobl ddigartref o'r tu allan i'r sir a fyddai'n cael eu gosod mewn llety dros dro yn Sir Ddinbych yn cael eu talu gan yr awdurdod 'cartref'.

PENDERFYNWYD –

(a) bod y Pwyllgor yn derbyn yr adroddiad ac yn nodi'r trefniadau arfaethedig cyfredol;

(b) bod sylwadau'r Pwyllgor yn cael eu hymgorffori yn ymateb Sir Ddinbych i'r ymgynghoriad, a

(c) bod y Pwyllgor yn gofyn bod copi o'r llythyr a anfonwyd gan Brif Weithredwyr Gogledd Cymru at y Gweinidog AC dros Dai, Adfywio a Threftadaeth yn cael ei gylchredeg i Aelodau'r Pwyllgor.

9 BWRDD RHANBARTHOL CYMUNEDAU MWY DIOGEL

Roedd copi o adroddiad gan y Pennaeth Busnes, Cynllunio a Pherfformiad (HBPP) (mae copi ynghlwm) a amlinellodd y cynnydd tuag at ffurfio'r Bwrdd Partneriaeth Rhanbarthol Cymunedau Mwy Diogel ac a gyflwynodd y Cytundeb Partneriaeth diwygiedig i'r Bwrdd, wedi'i gylchredeg gyda'r papurau i'r cyfarfod.

Yn rhan o Adolygiad Partneriaeth Gogledd Cymru, cytunwyd y byddai Bwrdd Cymunedau Mwy Diogel Rhanbarthol ar gyfer Gogledd Cymru yn cael ei sefydlu erbyn 2012. Byddai'r Bwrdd yn gyfrifol am lywodraethu, am gomisiynu rhanbarthol ac am oruchwyllo trefniadau cyflenwi gweithredol Partneriaethau Diogelwch Cymunedol a Gwasanaethau Cyfiawnder Ieuenctid a byddai'n dylanwadu ar ddatblygiad a darpariaeth gwasanaethau Cyfiawnder Troseddol, a byddai'n cael ei gefnogi gan drefniadau gweithredol isranbarthol a oedd yn cynnwys Ynys Môn/ Gwynedd, Conwy / Sir Ddinbych a Sir y Fflint / Wrecsam. Byddai gwahaniaethau isranbarthol yn cael eu cydnabod a'u parchu gyda grwpiau is-ranbarthol yn cael eu harwain gan y Bwrdd i sicrhau mwy o gysondeb o ran cyflawni safonau perfformiad a chanlyniadau.

Nid oedd y syniad am Gydbwyllgor ffurfiol wedi cael cefnogaeth ar draws cynghorau Gogledd Cymru ac roedd trefniant llai ffurfiol wedi'i gynnig. Roedd Cytundeb Partneriaeth diwygiedig, a oedd yn adlewyrchu'r newidiadau, wedi'i osod ynghlwm fel Atodiad i'r adroddiad. Roedd prif elfennau'r cytundeb newydd a rôl strategol Bwrdd Cymunedau Mwy Diogel Gogledd Cymru, a fyddai'n ysgwyddo'r cyfrifoldebau strategol rhanbarthol a oedd yn perthyn ar y pryd i grwpiau gweithredol eu strategol lleol, wedi'u disgrifio yn yr adroddiad.

Amlinellodd y Pennaeth Busnes, Cynllunio a Pherfformiad aelodaeth arfaethedig y Bwrdd a oedd yn cynnwys yr Aelod Etholedig Arweiniol dros Ddiogelwch Cymunedol o bob Awdurdod, cynrychiolwyr o'r Heddlu, y Gwasanaeth Iechyd, y Gwasanaeth Prawf â'r Gwasanaeth Tân. Byddai hefyd grŵp ategol o 'arbenigwyr' gyda phrofiad o Gyfiawnder Ieuenctid a Diogelwch Cymunedol. Darparodd hefyd grynodedb o'r dyraniad adnoddau a chomisiynu, blaenraglen waith a datblygiadau cysylltiedig, yr oeddent oll wedi'u cynnwys yn yr adroddiad.

Bu'r aelodau a'r swyddogion yn trafod rôl y Pwyllgor Craffu ac yn ystyried y ffordd y byddai'r trefniadau'n mynd i'r afael â'r anghenion yn lleol yn dilyn y broses ganoli yng Ngogledd Cymru. Amlygodd y Cynghorydd E.A. Jones mor bwysig oedd osgoi risg posibl diffyg democratig a bod angen monitro'n ofalus y meysydd dan sylw i sicrhau bod anghenion yr ardaloedd lleol yn cael eu bodloni.

Amlygodd y Pennaeth Busnes, Cynllunio a Pherfformiad arwyddocâd Cynllun Gweithredu'r Bartneriaeth Diogelwch Cymunedol o ran eu cynigion ar gyfer Sir Ddinbych. O ran craffu ar bartneriaethau, cyfeiriodd y Cydlynnydd Craffu at gynigion Cymdeithas Llywodraeth Leol Cymru i drefnu gweithdy i'r holl Gadeiryddion Craffu. Cadarnhaodd y Pennaeth Busnes, Cynllunio a Pherfformiad y byddai'r Aelod Arweiniol dros Dir y Cyhoedd yn cael ei enwebu yn aelod Sir Ddinbych o'r Bwrdd Cymunedau Mwy Diogel. Cafodd yr Aelodau wybod y byddai mater cŵn yn baeddu yn cael ei ystyried gan y Pwyllgor Craffu Cymunedau yn ei gyfarfod ym mis Mehefin 2012.

Yn ystod y drafodaeth ganlynol, cefnogodd y Pwyllgor yr argymhellion yn yr adroddiad. Cefnogodd yr Aelodau hefyd gynnig gan y Cynghorydd E.A. Jones i fynd ar drywydd awgrym Cymdeithas Llywodraeth Leol Cymru, sef cynnal gweithdy i gadeiryddion ac is-gadeiryddion craffu i ddatblygu cyfeiriad ac arweiniad clir o ran craffu ar bartneriaethau rhanbarthol ac is-ranbarthol, i sicrhau bod diffyg democratig yn cael ei osgoi.

PENDERFYNWYD – bod y Pwyllgor:-

- (a) yn derbyn ac yn nodi'r Cytundeb Partneriaeth diwygiedig;
- (b) yn cefnogi'r trefniadau diwygiedig fel y'u disgrifir yn y Cytundeb, a
- (c) yn argymhell mynd ar drywydd cynnig Cymdeithas Llywodraeth Leol Cymru am weithdy i gadeiryddion ac is-gadeiryddion craffu er mwyn datblygu cyfeiriad ac arweiniad clir o ran craffu ar bartneriaethau rhanbarthol ac is-ranbarthol.

10 RHAGLEN WAITH CRAFFU

Roedd copi o adroddiad gan y Cydlynnydd Craffu, a oedd yn gofyn i'r Pwyllgor adolygu ei Flaenraglen Waith ddrafft ac a roes wybod y diweddaraf am faterion perthnasol, wedi'i gylchredeg gyda'r papurau i'r cyfarfod.

Cyflwynodd y Cydlynnydd Craffu'r adroddiad ac eglurodd fod blaenraglen ddrafft y Pwyllgor, Atodiad 1, wedi'i hetifeddu oddi wrth y Pwyllgor a'i rhagflaenodd. Gofynnwyd i'r Aelodau ystyried a oedd y Flaenraglen Waith yn adlewyrchu dymuniadau a blaenoriaethau'r Pwyllgor newydd. Cafodd yr Aelodau wybod bod manylion y Flaenraglen Waith i'r Pwyllgorau Craffu Cymunedau a Pherfformiad wedi'u cynnwys yn y papurau gwybodaeth a gylchredwyd yn flaenorol.

Roedd tabl yn crynhoi penderfyniadau diweddar y Pwyllgor ac yn cynghori'r Aelodau am y cynnydd tuag at eu gweithredu ynghlwm wrth yr adroddiad yn Atodiad 4.

O dan drefniadau craffu'r Cyngor, roedd Grŵp y Cadeiryddion a'r Is-gadeiryddion Craffu (SCVCG) yn cyflawni rôl Pwyllgor cydlyn. Roedd y Grŵp hwn wedi argymhell bod y Pwyllgor Craffu Partneriaethau, wrth gydymffurfio â'i swyddogaeth ddynodedig o graffu ar faterion trosedd ac anrhefn o dan ofynion Deddf yr Heddlu a Chyfiawnder 2006, yn gwneud lle yn ei Flaenraglen Waith ar gyfer mis Medi 2012 i eitem am y Bartneriaeth Diogelwch Cymunedol (CSP).

Bu'r Pwyllgor yn ystyried y Flaenraglen Waith ddrafft ar gyfer cyfarfodydd y dyfodol, fel y'u disgrifir yn Atodiad 1, a chyfeiriwyd at y pethau canlynol:-

Parhau cyfarfodydd â chynrychiolwyr Bwrdd Iechyd Prifysgol Betsi Cadwaladr (BCUHB) – Mewn ymateb i bryderon a godwyd gan y Cynghorydd E.A. Jones o ran pwysigrwydd y broses ymgynghori ar faterion Awdurdod Iechyd, eglurodd y Cydlynnydd Craffu y byddai'r Adolygiadau Gwasanaeth yn cael eu cyflwyno i'r Cyngor i'w hystyried ym mis Gorffennaf 2012.

Cynnydd Iechyd Meddwl Plant a'r Glasoed (CAMHS) - mewn ymateb i gwestiwn gan y Cynghorydd G.M. Kensler, eglurodd y Cydlynnydd Craffu y gellid cynnwys yr eitem hon ar yr agenda i'r cyfarfod gyda Phrifysgol Betsi Cadwaladr. Eglurodd y Cyfarwyddwr Corfforaethol: Moderneiddio a Lles y byddai rhai agweddau ar y mater hwn yn cael eu cynnwys yn yr eitem yn ymwneud â'r Mesur Iechyd Meddwl i'w hystyried ym mis Gorffennaf 2012.

Goleuadau Stryd – Mynegodd yr Aelodau'r farn nad oedd unrhyw broblemau amlwg yn ymwneud â goleuadau stryd ac y dylai'r eitem hon gael ei thynnu allan o'r Flaenraglen Waith.

Ymatebodd y Cydlynnydd Craffu i gwestiynau gan yr Aelodau ynghylch eitemau wedi'u cynnwys yn y Flaenraglen Waith. Cytunodd y Pwyllgor i ofyn i'r Cydlynnydd Craffu drefnu Gweithdy er mwyn i Aelodau'r Pwyllgor fynd ati i ystyried Blaenraglen Waith y Pwyllgor yn fanwl ar gyfer y flwyddyn cyngor 2012/13.

Ceisiwyd enwebiadau am Aelodau Pwyllgor i wasanaethu ar y Grwpiau Herio Gwasanaeth, a fyddai'n cyfarfod ddwywaith y flwyddyn. Roedd amserlen i'r cyfarfodydd wedi'i chynnwys yn y daflen wybodaeth a gylchredwyd cyn y cyfarfod. Penodwyd yr Aelodau canlynol i wasanaethu ar y Grwpiau canlynol:-

Gwasanaethau Cyfreithiol a Democratig: y Cyng. B. Blakeley
Perfformiad a Chynllunio Busnes: y Cyng. G.M. Kensler
Addysg a Chwsmeriaid a Chymorth Addysg: y Cyng. B. Blakeley
Cyfathrebu, Marchnata a Hamdden: y Cyng. B. Blakeley
Cyllid ac Asedau: y Cyng. G.M. Kensler
Priffyrdd a Seilwaith: y Cyng. T.M. Parry
Adfywio: y Cyng. M. McCarroll

Penodwyd y Cynghorydd E.A. Jones i wasanaethu ar y Grŵp Buddsoddi Strategol a fyddai'n cyfarfod bob mis.

Eglurwyd y byddai angen enwebiadau o blith aelodau'r Pwyllgor i wasanaethu ar y Grwpiau canlynol:-

Tai a Datblygu Cymunedol
Gwasanaethau Plant a Theuluoedd
Gwasanaethau Busnes ac Oedolion
Gwasanaethau Amgylcheddol
Cynllunio a Diogelu'r Cyhoedd
Adnoddau Dynol Strategol

Er mwyn lleddfu'r baich gwaith, cytunodd yr Aelodau i ofyn i'r Cydlynnydd Craffu geisio mynegiannau o ddiddordeb, gan Aelodau nad allent ddod i'r cyfarfod neu rai y bu'n rhaid iddynt adael y cyfarfod cyn i'r eitem gael ei hystyried, i wasanaethu ar y Grwpiau.

Ar gais Aelodau o ardal y Rhyl, cytunodd y Cydlynnydd Craffu i gysylltu â'r Cynghorydd J. Thompson-Hill a'r Pennaeth Busnes, Cynllunio a Pherfformiad am bosibilrwydd symud unrhyw rai o'r cyfarfodydd, nad oedd Aelodau Craffu Partneriaethau wedi'u neilltuo iddynt eto, i rywle yn y Rhyl neu Brestatyn.

PENDERFYNWYD

yn amodol ar yr uchod, ac ar wneud trefniadau i gynnal gweithdy ar y flaenraglen waith, bod y Pwyllgor Craffu Partneriaethau'n cymeradwyo ei flaenraglen waith fel y'i nodwyd yn Atodiad 1 i'r adroddiad; a bod yr aelodau a enwyd uchod yn cael eu penodi i gynrychioli'r Pwyllgor ar y grwpiau herio gwasanaeth a'r Grŵp Buddsoddi Strategol.

Daeth y cyfarfod i ben am 13.25 p.m.